

Lehen fasean kanporatutako txapeldunak

1950: Italiak 1938ko Munduko Kopa irabazi zuen, eta Bigarren Munduko Gerratearen ostean, tituluari eusteko helburuarekin joan ziren Brasilera. Lehen fasean multzoko buruak baino ez zuen egiten aurrera, eta Italia bigarren izan zen, Suediaren atzetik.

1966: Pele, Jairzinho eta Tostao selekzioan izan arren, Brasilek ezin izan zuen gainditu lehen fasea Ingalaterrako Mundialean. Pelek min hartu zuen Portugalen aurka, eta Brasil multzoko hirugarrena izan zen.

7.000

Ingalaterrako selekzioa da Munduko Kopara jarraitzaile gehien eraman duena. Atzo Sapporon 7.000 inguru bildu ziren. Argentinatik joandakoak, berriz, ez ziren milara iritsi, FIFaren datuen arabera.



■ Amets Arzallus

Nor gara gu?

Atzo, Espainiaren partida telebistaz ez ikusteko suertea izan nuen. Suertea diot, hartara irratan entzun ahal izan bainuen. Hain justu, *Radio Nacional de España*-n bizi izan nuen norgehiagoka. Bai, bizi. Kazetari espainiarrei entzunez zelaitik bertatik baino tentsio gehiagorekin bizi bailitezke Espainiaren partidak.

Egia esan, Espainiako adierazpen askatasuna ez da inon dagoenik eta askeena, baina kirol arloan, behintzat, ez dago kexatzeko motiborik. Harriturik egon nintzen RNEko kazetarien jarioarekin. Hura zen hura etorria! Baina onerako zein txarrerako. Lehen telebista baitzen txuri beltzean zegoena, baina orain irratia baita, dena, txuri edo beltz kontatzen duena. RNE, ez dago erdibiderik. Onean, dauden onenak dira, baina txarrean, daudenik eta txar-

rrenak beraiek dira. Lehen zatia bukatu zenean, hiru esaldi besterik ez zituzten esan : «Lo-tsagarri ari dira. Lo daudela ematen du. Burua aldageletan ahaztuta atera direla dirudi, ea atsedendian aurkitzen duten».

Nik ez dakit, jokalaria, atsedendian, irrata entzuten egon ote ziren, baina bigarren zatian, nola gaueetik egunera aldatu zen Espainiaren jokoa. Alegia, esnatu zirela. Buru eta guzti esnatu gainera. Bigarren zati osoa festa handi bat izan zen RNEren estudioan. Eta partida bukatu zenean, hiru irrintzi bota zituzten : «Hau-xe da gure taldea. Ikaragarri jokatu dugu. Munduko txapeldun izateko bidean gara !»

Alegia, lehen munduan zirenik eta txarrenek ziren, eta orain munduko txapeldunak gara. Lehen, ziren, eta orain, gara. Futbol zale askok egiten du, nahigabe, pertsona aldaketa hori bere taldeaz hitz egitean. Galtzean, haiek galtzen dute, eta irabaztean, guk irabazten dugu. Espainiarekin ni ez naiz inor, ez gu eta ez haiek. Espainia ondo joanagatik, ez baitoa nirekin. Baina gauza bat galdetu nahi diet : atzo hain txarrak baziren, eta gaur hain onak bazarete, bihar zer izango ote zarete ? Edo izango ote dira ? Nik hauxe opa dizuet. Barkatu, diet. Ahal bada, izan daitezela nahi dutena. Baina izan daitezela. Haiek.

zen nagusi Argentinako aurrelariaren artean.

Hegaletan gora baloiak eramatea geroz eta zailagoa gertatu zitzaion Bielsaren jokalariei, eta inoiz bi jokalarik batera igotzea bilatu zuten arren, Ingalaterrak min handia egiten zuen kontraerasoan; Sheringhamek arazoak eman zizkion Cavalleroi jaurtiketa batzuetan. Minutuak aurrera joan ahala, ordean, Erikssonen jokalariek muzin egin zioten erasoari, eta talde osoa area barruan sartu zen, final-zortzirenetan sartzeko guztiz baliagarria duen emaitzari eusteko asmoz.

Ingelesen asmoa ikusita, Bielsak punta-erdiak eta aurrelariak pilatu zituen Seamanen area inguruan, baina ideia falta are handiagoa izan zen orduan. Lehen faseko partida onena izan behar zuena eskubaloia partida baten modukoa izan zen minutu askotan: Ingalaterra bere atezainaren aurrean, eta Argentina giza-hesia gainditu nahian. Aimarrek behin eta berriz bilatu zuen hegalekoen parte-hartzea, baina horiek hegalean gora egin beharrean baloiaren zain gelditzen ziren, eta kontrolatzen zutenetarako elastiko gorritz inguratu zeuden.

Amaitu arte gidoi bera jarraitu zuen jokoak, eta behin eta berriz Argentinaren freskotasan eta erritmo falta azaleratu zen.



LAVANDEIRA JR / EFE

LEHIA ESTUA. Argentinako Kily Gonzalez eta Ingalaterrako Mills. Bi taldeen arteko norgehiagoka oso orekatua izan zen.

HITZ ETA PITZ



SVEN GORAN ERIKSSON
(Ingalaterrako hautatzailea)

«Helburu batean indar guztiak jartzen ditugunean gauza handiak egiteko gauza gara»

CARLOS BILARDO
(Argentinako hautatzaile ohia)

«Espainiari joko sortzaile bat falta zaio»

BORA MILUTINOVIC
(Txinako hautatzailea)

«Gauza txarrak ez itzultzeko eskatzen diot nire itzultzaileari, onak bakarrik»

CLAUDIO REYNA
(AEBetako erdilaria)

«Europako jokalariek partida gehiegi jokatzen dituzte»

MARCEL DESAILLY
(Frantziako atzelaria)

«Hamaikaren kontra egindako lanagatik bikainak gabela pentsa daiteke, baina ez du ezertarako balio»

SERGIO CONCEICAO
(Portugaleko aurrelaria)

«Lor dezakeguna ez lortzea bekatu handia litzateke; aspaldiko selekzio onena dugu»

OLIVER KAHN
(Alemaniako atezaina)

«Ez dugu izarrik, baina talde sendoa gara»

F MULTZOA

SUEDIA **2**

NIGERIA **1**

Suedia: Hedman, Mellberg, Jakobsson, Mjallby, Lucic; Alexandersson, Svensson (Magnus Svensson 83m.), Linderth, Ljunberg; Allback (Andreas Andersson 61m.) eta Larsson.

Nigeria: Shorunmu, yobo, West, Okoronkwo, Babayaro (Kanu 65m.); Udeze, Okocha, Christopher, Utaka, Ogbache (Ikedia 70m.), Aghahowa.

Golak: 0-1: Aghahowak (26m.); 1-1: Larssonek (34m.); 2-1: Larssonek penaltiz (61m.).

Epailea: Rene Ortube (Bolivia). Txartel horiak: Mjallby, Alexandersson, West.

Suediak lehen fasea gainditzeko urrats handia egin du, Nigeria etxera bidalita

Gorka Zabaleta |

Frantziako Munduko Kopan zeresan handia eman zuen Nigeriak, baina pasa diren lau urte hauek ez die mesede handirik egin, antza. Egia da multzorik zailena egokitu zaiela, baina lehen bi partidetan espero baino joko eskasagoa egin dute, eta Argentinak (0-1) eta Suediak (1-2) ez diote barkatu. Bi partidak galduta, Nigeria etxera bueltako bidai txartelak erosteko moduan da.

Suediak, berriz, lehen fasea gainditzeko aukera handiak ditu atzo lortutako garaipenarekin, azken jardunaldian nahikoa baitzaio Argentinarekin berdintzea. Nigeriak egin zuen partidako lehen gola, baina Suediak ez zuen amore eman, eta bere joko zuzenari esker aukera asko sortu zituzten. Larsson aurrelariak egin zuen berdinketaren gola kontraeraso batean. Nigeriak aurrera egitea erabaki zuen orduan, bere burua txapelketatik kanpo ikusi baitzuen, eta Suediak ederki aprobetxatu zuen afrikarren ausardia. Atzean ongi jarrita, Suediak behin eta berriro harrapatu zuen aurkaria kontraerasoan, eta azkenean bigarren gola iritsi zen, Larssoni egindako penaltian.

Nigeriak azken saioa egin zuen, zoria aurka izan zuten. Kanuk berdintzeko aukera izan zuen, baina atzelari batek marra gainean gelditu zuen baloia.